



ILLVSTRISSIMO VIRO DOM. D.

NICOLAO POTIER

EQVITI DOM. DE NOVION, &c.

Regi à secretioribus consilijs, & in suprema Galliarum curia præfidi Insulato.



**E**IN Anathema (Præfles Illustissime) Medicas hæc primitias, hoc inennte anno quo solent homines sibi inuicem strenas anni noui auspices misculare, templo tuæ virtutis appendo. Audacia-ne ista? specta debitum meum, suspicio cessabit audacie. Minutum munusculum: agnosce amor m. mueris non spernetur exilitas. Sepe res viles ari dicata, ab animo consecrantur prærium sumunt; Deoque vt plurimum non minus grata venit parua thuris gleba, quam hecatombe. Hoc nomine oblata tua purpure primam hanc meam in medicina studio stadioue relictationem, boni consulas precor, quam tibi tanquam Deo tuelari inuncupandam esse, & tua apud omnes existimatio postulat, & officij mei ratio persuasit. Quis enim nescius est, quantum laudis propria virtute tibi comparaueris, & quantum splendori maiorum tuorum glorie adieceris, ex quo merita insula, licet hæreditaria, insignitus fuisti. Nullus profecto non miratus est, diuinum illud & in tam iuuenili corpore senile ingenium, quo & iudicio & prudentia cum innata animi magnitudine, inter tot Curia principes sic procul emines, vt inter reliquos siderum ignes aureus elucet. Hesperus; omniunq; animos in tui amore incredibilem ita pellexisti, vt nomen tuum iam satis per se natum, ad vltiores orbis plagas propagaueris, in quibus nihil tibi aliud præter vota parietes ipsi resonant. Hæc motus celebritate patrocinium tuum ambire occæpi, desiderium postea inflammant gratia beneficiorum à te tuisque in patrem meum colendissimum collarum recordatio, ex quo primum in perillustri familia vestre Medicum bonâ sorte adscriptus est, ab illustrissimis & nunquam satis laudatis Senatus principibus, tuo & parente tuo, quibus vt in gentilitio stemmate, sic in iure dicundo manus amba recta semper fuerunt & aperiæ; postremo à te tantorum heroum filio dignissimo, cum quibus si conferre, non solum non deterior videberis, sed vri gemma auro adnota, mutuum decus & das & accipis: qui eorum insistent vestigijs, quam generosa probitate integerrimorum iudicum memoriam de se posteris reliquerunt, non affectere, sed iam tibi partem habere, merito apud omnes audis. Quemadmodum autem tu (Præfles Eminentissime) non virtutum, dignitatum, & prædiorum tantum sed & eximia in parentem meum beneuolentia ab ipsis hæres esse voluisti, imò actionem facere & contraliceri: Sic patere queso, vt ego qui patris professiois & genij imitator esse contendo, eius in te pariter obsequij & obseruantie, ex voto cultor sum religiosissimus; in hoc etiam superior patre, si fieri posset, eiusurus. Hinc neminem in posterum tam iniquum fore rerum æstimatorem spero, qui temere à nobis hocce Medico programme dictum putet, quod patrum in natos abeunt cum semine mors.

Tuus æternum addicissimus PETRVS PERREAV.



QVÆSTIO MEDICA.  
QVODLIBETARIIS DISPUTATIONIBVS MANE DISCVTIENDA  
IN SCHOLIS MEDICORVM DIE IOVIS VII. IANVARIJ.

M. STEPHANO BACHOT, Doctore Medico, Præside.

*An patrum in natos abeant cum semine mores?*

82

**H**VMANVS animus suâ naturâ extorris materiæ, & elementorum exors, illigatur corpori quod agit mouetque, non aliter quàm testudo domui, quam circumfert: Et quamvis diuersa sit vtri-  
usque fors atque conditio, perpetuisque odijs dissideant, quamdiu tamen corpori adunatur, cuius actus est, vt gubernator nauis, sic ipsum impellit, vt vicissim ipse impellatur, & illius quoque  
motiones in se sentiat. In eò velut in carcere, vel si malis, sepulchro situs, definit esse sui iuris & *autonomous*, nullaque edere functiones valet immunes à corpore. Quid enim agat artifex quantum-  
uis peritus, instrumento vacans? Cuius perfectionem integritas, vitium ipsarum impedimentum euerfioque sequitur. Animus videt, animus audit; sed si oculos occuparit glaucoma, si aurium  
meatus crassus humor obfederit, frustra vim suam exerit animus. Eodem modo, nec sentit sine neruo, nec mouet sine musculis, nec sapit aut meminit sine cerebro, sine corde ac iecore non irascitur  
aut concupiscit. Otiosa tamen est absque spirituum & humorum ministerio partium singularum opera, quorum moderatione vel intemperie recta vel vitiosa pendet in generationis primordijs  
membrorum configuratio.

**M**ORES sunt insitæ vel insitiuæ quædam propensiones quibus incitatus animus, vel pathematis, vel virtutibus aut vitiis, facilius assuescit. Illos à nullo Doctore acceptos, sed ab ipsâ naturâ haustos,  
& pueri & lactentes ipsi ante voces exprimunt; Imò in ipsis quoque contrarios obseruamus. Hic liberalis & benignus est, ille inuidus; hic lenis & misericors, ille alienis malis exultat; hic pauidus  
est, ille audax. Tot morum discrimina ab humorum diuersorum dominio proficiscuntur, vt bona pars bonæ vel malæ mentis à corporis habitu pendeat. Sic à sanguine docilitas, mansuetudo, Ve-  
neris studium, stoliditas pulchritudinis assecta: A pituita segnities, torpor, mentis hebetudo, somnolentia: à melancholia, metus, mæror, *tristitia* & animi robor: à bile incandescencia, leuitas, su-  
perbia, *dominationis*. Nec à solis humoribus ingenium & mores, sed & à cælo & solo immutantur, quorum amœnitas aut inclementia, indolem quoque reddit conuulsem. Sic in Septentrionalibus  
duritas & diritas morum, in Asianis comitas apparet & *deuotio*. Nonne in ipsos ius habent & *liberæ voluntatis*, victusque ratio? quorum plerumque ea solet esse vis & efficacia, vt qui naturâ superbus erat,  
humillimus reddatur. Nolim tamen credas, vitæ institutum, hominumque mores insitos, adeo per educationem mutari posse, vt nihil horum posthac traluceat.

**S**EMEN veluti quoddam *semine* singularum corporis partium idæam refert, à quibus excerptur & decedit; hominis compendium iure dixeris. In ipso æternum reddit natura, quod  
mortale genuerat: Neque illud perit omnino, quod alio simul renouatur ac repubescit. Hoc modo species & speciei conseruator sexus perennat, ipsaque paterni oris & corporis effigies, ipse gestus  
& nutus in filiis spirat; imò vt nihil desit, colores, naui & cicatrices in eadem particulâ pinguntur. Finis ab ortu pendet, rectèque dixeris in femine nascituri hominis fata occultari, legemque ca-  
norum & barbæ. Tot motuum principia in hac guttulâ latent, vt rerum maiestas in gemmâ vnâ: quæ altius interdum quàm à patre scaturiunt, vt in albi parentis filio nonnumquam reuiuifcat  
auus Æthiops.

**O**RTA principijs respondent, neque ex aquâ ignis, neque ex igne aqua generari potest. Ex sincero sanguine nec non bilioso calidum semen, ex melancholico & pituitoso non nisi frigidum confici-  
tur. Hinc biliosi biliosos, sanguinei sanguineos, melancholici melancholicos, pituitosi pituitosos procreant. Nec perit seminis materia in conformationis opere, sed suis perfusa qualitatibus seruatur,  
& in generatas partes abit; idèoque non nisi supremo interitu primæ istius materiæ temperies aboletur. Est etiam in malis hereditas, & propagantur morbi per traducem, filiis, quidquid paren-  
tes peccauerint, immeritâ calamitate luentibus; adeo similitudinis sollicita natura est, vt ægris parentibus potius gignat quàm dissimiles. An illa in perfectis deficit? Minime.  
Nullus verè est heros, qui heroem non progerneret, in hoc alioqui vili quouis animante inferior, quod præstantissimâ similis procreandi facultate non caret.

**M**ONSTRVM est quodammodo, patrem non referens filius; neque quidpiam habet effectus naturalis, quod à causâ non mutuetur. Quis ex arida radice flores expectet? aut ab imbelli co-  
lumba ferocem Aquilam? fortes creantur fortibus & bonis. Id palam fit in generationibus animalium, imò & plantarum: cum ad initis equarum, equi meliore admisurâ creati, ad canum con-  
gressus quæ catuliunt generosi canes vsurpentur, & ad vites, oleas, cæterasque arbores propagandas, optimæ viui radices & surculi deligantur. Hinc à sapientissimis regnum hæreditarium consti-  
tutum est, ex magnis & heroibus viris similem prolem expectantibus. Hinc à plebeio plebeius, libidinoso proiectæ pudicitia adolescens & luxuriæ mancipium, à ferino & immiti, ferinis quoque  
moribus nascitur filius, quos numquam exuit, licet aliquando submittrat, sed cum minimè expectaueris exasperantur mitigati, nec vnquam bonâ fide mansuescunt aut curantur. Quid plura? pa-  
rentum virtutes & vitia vnâ cum semine quasi instillantur filio, in quo eorum perpæpe frons, oculi, vultus, agnoscuntur, scèpissimè autem mores.

*Ergo patrum in natos abeant cum semine mores?*

F.M.P.  
BIBLIOTHECA

Proponebat Lutetiæ PETRVS PERREAV Parisinus, A. R. S. H. M. DC. XLIX.

DOMINI DOCTORES DISPUTATVRI.

M. Michæl Marès.

M. Claudius Breget.

M. Martinus Akakia Profef. Reg.

M. Durandus Franciscus Ton.

M. Leo le Tournours.

M. Nicolaus Cappon.

M. Philebertus Morisset.

M. Iacobus Cornuti.

M. Carolus Guillemeau.